



REPUBLIKA E SHQIPËRISË
ZYRA E INSPEKTORIT TË LARTË TË DREJTËSISË
INSPEKTORI I LARTË I DREJTËSISË

Nr. Prot 2453

Dt. 26.10.20

VENDIM

Nr. 49, datë 26.10.2020

PËRFUNDIMIN E PROCEDURËS SË VERIFIKIMIT, VLERËSIMIT, PIKËZIMIT DHE RENDITJES SË KANDIDATURËS SË ZOTIT ARTAN BALLABANI, PËR SHKAK TË TËRHEQJES NGA KANDIDIMI PËR INSPEKTOR JO-MAGJISTRAT

KOMITETI I EMËRIMIT EDHE VLERËSIMIT TË INSPEKTORËVE i përbërë nga :

Artur Metani - Kryetar
Mirela Kapo - Anëtare
Marsela Pepi- Anëtare

Asistuar nga sekretare Adela Skora,

në mbledhjen e datës 26.10.2020, mori në shqyrtim çështjen që i përket:

**KANDIDATJA PËR INSPEKTOR
JO - MAGJISTRAT:**

ZOTI ARTAN BALLABANI

OBJEKTI:

Tërheqje nga kandidimi për Inspektor Jo magjistrat

KOMITETI PASI :

U njoh me aktet si edhe bisedoi çështjen në tërësi,

VËREN:

I. Rrethanat e çështjes

1. Inspektori i Lartë i Drejtësisë, në mbështetje të nenit 209 dhe nenit 211, pika 2, të ligjit nr. 115/2016 "Për organet e qeverisjes së sistemit të drejtësisë", të ndryshuar, pikës 3 dhe 77, të

Vendimit Nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kritereve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, Urdhrit Nr. 7, datë 04.03.020, të Inspektorit të Lartë të Drejtësisë, “Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, në datë 07.02.2020, ka vendosur fillimin e procedurës përzgjedhëse të kandidatëve jomagjistratë që kanë shprehur interes për pozicionin e inspektorit, pranë Zyrës së Inspektorit të Lartë të Drejtësisë.

2. Në përfundim të procedurës së aplikimeve për shprehjen e interesit për kandidim datë 02.03.2020, Inspektori i Lartë i Drejtësisë nëpërmjet Njoftimit për Media në faqen zyrtare ka bërë publike listën e kandidatëve që kanë shprehur interes për këtë vend vakant, duke filluar shqyrtimin e aplikimeve të kandidatëve të shoqëruara me dokumentet e paraqitura prej tyre për përmbushjen e kushteve dhe kritereve ligjore të përcaktuara në nenin 209 dhe nenit 211, pika 2 të ligjit nr. 115/2016 “Për organet e qeverisjes së sistemit të drejtësisë”.

3. Ndërmjet kandidatëve që kanë shprehur interesin për plotësimin e këtij vendi vakant për Inspektor Jomagjistratë pranë zyrës së Inspektorit të Lartë të Drejtësisë, është edhe zoti Artan Ballabani. Konkretisht kërkesa e kandidatit për shprehje interesi mban nr. Prot, 347 datë 27.02.2020.

4. Në mbështetje të nenit 147/d e vijues, të Kushtetutës së Republikës së Shqipërisë, Kreut IV dhe nenit 283, të Ligjit nr. 115/2016 “Për Organet e Qeverisjes së Sistemit të Drejtësisë”, të ndryshuar, Vendimit Nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kritereve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, Urdhrit Nr. 7, datë 04.03.020, të Inspektorit të Lartë të Drejtësisë, “Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë, Inspektori i Lartë i Drejtësisë në datën 07.02.2020, vendosi fillimin e procedurave të verifikimit, vlerësimit, pikëzimit dhe renditjes të kandidatëve që kanë shprehur interesin për vendin vakant për Inspektor i Lartë i Drejtësisë.

5. Lidhur me procedurën e ndjekur për vendet vakante të krijuar për Inspektor jo magjistrat, nga Inspektori i lartë i Drejtësisë, në zbatim të nenit 209 dhe 211 të Ligjit nr. 115/2016 dhe të pikave 3 dhe 77, të Vendimit Nr. 536, datë 25.07.2019, të Këshillit të Ministrave “Për krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kritereve ligjore, verifikimin e figurës e të pasurisë së kandidatëve jomagjistratë për pozicionin e inspektorit”, Urdhrit Nr. 7, datë 04.03.020, të Inspektorit të Lartë të Drejtësisë, “Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e inspektorit pranë Zyrës së Inspektorit të Lartë të Drejtësisë”, është përcaktuar axhenda që lidhet me rradhën e shqyrtimit të kandidaturave.

6. **Zoti Artan Ballabani**, si një ndër kandidatët që ka shprehur interesin për vendin vakant të sipërcituar për Inspektor, në mbështetje të nenit 209 dhe 211, pika 2 e ligjit nr. “115/2016 “Për

organet e qeverisjes së sistemit të drejtësisë”, të ndryshuar, pikës 3 dhe 77 të vendimit nr. 536 datë 25.07.2019, të Këshillit të Ministrave “*Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës e të pasurisë së kandidatëve jomagjistratë për pozicionin e inspektorit*”, është njoftuar, për tu paraqitur pranë zyrës së Inspektorit të Lartë të Drejtësisë, për të vijuar me përmbushjen e procedurave të verifikimit të kandidaturës. Njoftimi me shkrim, i kryer në rrugë elektronike në datën 23.04.2020, në adresën e deklaruar nga vetë **kandidati Zoti Artan Ballabani**, gjendet e administruar në dosjen e kandidatit.

7. Në vijimësi të procesit, kandidati **Zoti Artan Ballabani** është njoftuar për tu paraqitur pranë Zyrës së Inspektorit të Lartë të Drejtësisë dhe për tu pajisur me formularët e deklarimit dhe autorizimet që duhet të plotësohen për qëllimet e vijimit të procedurës së verifikimit të kandidaturës së tij. Kryerja e kësaj procedure (në rrugë elektronike) vërtetohet nga email-i përkatës dhe i konfirmuar edhe nga përgjigja e vetë kandidatit po me email, e cila gjendet e administruar në dosjen e kandidimit. Përgjigja është e datës 24.04.2020, ora 09.36 AM. Rezulton se kandidati nuk është paraqitur pranë Zyrës së Inspektorit të Lartë të Drejtësisë me qëllim tërheqjen e formularëve sipas ligjit dhe akteve nënligjore.

8. Kandidati **Zoti Artan Ballabani** është rinjoftuar nga ana e Zyrës së Inspektorit të Lartë të Drejtësisë me qëllim plotësimin e detyrimit ligjor konform pikës 16 të vendimit të Këshillit të Ministrave nr. 536 datë 25.7.2019 që lidhet me “*Krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit*”. Rinjoftimi është bërë nëpërmjet shkresës me nr. Prot. 709 datë 19.05.2020 ku i kërkohet kandidatit të përmbushi detyrimet ligjore. Shkresa i është dërguar në mënyrë zyrtare kandidatit nëpërmjet adresës së tij të emailit (të deklaruar në praktikën bashkëngjitur vendimit).

9. Në lidhje me rastin dhe situatën e kandidatit Artan Ballabani, në vendimin nr. 536 datë 25.7.2019 që lidhet me “*Krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit*”, në pikën 21 të tij, parashikohet se:

“21. Në rastin kur, në përfundim të afatit të njoftimeve sipas pikave 15 deri 20 të këtij vendimi, kandidati jomagjistrat nuk paraqitet, nuk i përgjigjet njoftimeve të Inspektorit, nuk paraqet dokumentacionin e kërkuar ose nuk parashtron shpjegime me shkrim për gjetjet e procedurës së verifikimit, Inspektori procedon me përgatitjen e relacionit mbi gjendjen e faktit dhe problemet ligjore të konstatuara.”

10. Në përfundim të njohjes së anëtarëve me materialet që përmban dosja e kandidatit Artan Ballabani dhe në mënyrë të vecantë komunikimet elektronike me kandidatin, në zbatim të pikës 20 dhe 23 të Vendimit nr. 536 datë 25.07.2019 që lidhet me “*Krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit*”, është proceduar me përgatitjen e relacionit përkatës mbi gjendjen e faktit dhe të ligjit të zbatueshëm, si dhe për shqyrtimin e kërkesës së kandidatit, duke kaluar çështjen për shqyrtim në mbledhjen e Komitetit.

11. Në zbatim të Vendimit nr. 536 datë 25.07.2019 që lidhet me “*Krijimin e kushteve për Inspektorin e Lartë të Drejtësisë për verifikimin e plotësisë të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit*”, Kryetari ka thirrur mbledhjen e Komitetit duke njoftuar anëtarët për zhvillimin e saj në datën 26.10.2020, rendin e ditës, si edhe duke i bashkëlidhur njoftimit materialet e çështjes. Në rendin e ditës është përfshirë edhe çështja me objekt **ndalimin e kandidimit të zotit Artan Ballabani**, për vendin vakant për Inspektor, të shpallur nga Inspektori i Lartë i Drejtësisë, në datën 07.02.2020.

12. Sikundër u tha më sipër, nga aktet rezulton se zoti Artan Ballabani nuk është paraqitur fizikisht pranë ambienteve të zyrës së Inspektorit të Lartë të Drejtësisë me qëllim tërheqjen e formularëve përkatës, ky fakt rezulton nga formularët e administruar në dosjen e kandidatit. Pavarësisht se kandidati ka marrë dijeni për zhvillimin e procesit dhe thirrjet e bëra nga ana e Inspektorit të Lartë të Drejtësisë, sikundër provohet nga korrespondenca e administruar, nuk ka shprehur vullnetin për vazhdimin e kandidimit për pozicionin Inspektor Jo magjistrat. Kandidati krahas konfirmimit për marrjen e korrespondencës në vazhdimësi nuk ka shfaqur asnjë arsye lidhur me mos-tërheqjen e formularëve.

13. Në mbledhjen e Komitetit, pasi secili prej anëtarëve u njoh me aktet e administruara në fashikullin që lidhet me kandidimin e zotit Artan Ballabani si dhe pasi bisedoi çështjen në tërësi, u arrit në konkluzionin se:

Vlerësimi i Komitetit të Emërimit dhe Vlerësimit të Inspektorëve:

14. Komitetit i emërimit dhe vlerësimit të Inspektorëve, duke pasur parasysh dispozitat ligjore dhe ato nënligjore normative të sipërcituara si dhe bazuar në gjëndjen që janë aktet që lidhen me ndjekjen e procedurave për vendin vakant për Inspektorët Jomagjistrat të shpallur nga ana e Zyrës së Inspektorit të Lartë të Drejtësisë, në datën 07.02.2020, vlerëson se duhet të procedojë me vendim për përfundimin e procedurës së verifikimit, vlerësimit, pikëzimit dhe renditjes së kandidatit **Artan Ballabani**.

15. Në pikën 2 të nenit 211 të Ligjit nr. 115/2016 “*Për organet e qeverisjes së sistemit të drejtësisë*” parashikohet se:

“2. Inspektorët e tjerë emërohen nga Inspektori i Lartë i Drejtësisë në bazë të një procedure përzgjedhëse dhe konkurruese të hapur dhe të planifikuar. Jo më vonë se 3 muaj nga krijimi i Zyrës së Inspektorit të Lartë të Drejtësisë, Inspektori i Lartë miraton rregulla më të hollësishme për procedurën e përzgjedhjes, konkurrimit dhe emërimit të inspektorëve jomagjistratë. Rregullat e miratuara nga Inspektori i Lartë i Drejtësisë zbatohen, për aq sa është e mundur, me rregullat e ligjit “Për nëpunësin civil”. ”.

16. Në zbatim të nenit 209 të Ligjit nr. 115/2016 “*Për organet e qeverisjes së sistemit të drejtësisë*”, në përfundimit të afatit të caktuar të shpalljes “Për fillimin e procedurës së përzgjedhjes në Pozicionin Vakant Inspektor jo magjistrat pranë Inspektorit të Lartë të Drejtësisë”, Komitetit të Emërimit dhe Vlerësimit të Inspektorëve, pasi ka administruar dokumentacionin e kandidatëve që kanë shprehur interes për këtë pozicion, ka filluar në datën

07.02.2020 procedurën e verifikimit të kandidaturave për plotësimin e kushteve dhe kritereve të kandidimit që parashikohen nga Kushtetuta dhe ligji.

17. Në vendimin nr. 536 datë 25.7.2019 që lidhet me “*Krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kritereve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit*”, në pikën 21 të tij, parashikohet se :

“21. Në rastin kur, në përfundim të afatit të njoftimeve sipas pikave 15 deri 20 të këtij vendimi, kandidati jomagjistrat nuk paraqitet, nuk i përgjigjet njoftimeve të Inspektorit, nuk paraqet dokumentacionin e kërkuar ose nuk parashtron shpjegime me shkrim për gjetjet e procedurës së verifikimit, Inspektori procedon me përgatitjen e relacionit mbi gjendjen e faktit dhe problemet ligjore të konstatuara..”

18. Komiteti i Emërimit dhe Vlerësimit të Inspektorëve, në zbatim të drejtë të dispozitave ligjore dhe atyre nënligjore normative të zbatueshme në rastin e kur ... *kandidati jomagjistrat nuk paraqitet, nuk i përgjigjet njoftimeve të Inspektorit, nuk paraqet dokumentacionin e kërkuar ose nuk parashtron shpjegime me shkrim, vlerëson të rregullt procedurën e ndjekur deri tani për verifikimin e kandidaturës së kandidatit Artan Ballabani. Kandidati është njoftuar rregullisht për fillimin e kësaj procedure dhe nuk është paraqitur, nuk ka paraqitur dokumentacionin e kërkuar.*

19. Cdo formë komunikimi gjendet i administruar në dosjen e kandidatit.

20. Komiteti vlerëson të rregullt në aspektin e qartësisë së dokumentacionit të administruar në dosjen që lidhet me kandidatin Artan Ballabani.

21 .Komiteti vlerëson që shprehja e interesit dhe kandidimi për plotësimin e vendeve vakante që krijohen për Inspektor jo magjistratë pranë Inspektorit të Lartë të Drejtësisë është një e drejtë, e cila ushtrohet nga kandidatët ekskluzivisht mbi vullnetin individual të tyre, duke **respektuar procedurat, kushtet dhe kriteret e kandidimit që parashikon ligji.**

22. Në rast se personi që kandidon, në çdo kohë e gjendje të procedimit, nuk mer përsipër angazhimin për të shprehur vullnetin si dhe nuk vijon procedurat që lidhen me kandidimin për plotësimin e vendit vakant që krijohet për Inspektor jo magjistratë pranë Inspektorit të Lartë të Drejtësisë, atëherë nuk ka më vend të vijojnë procedurat e verifikimit, vlerësimit, pikëzimit dhe renditjes së kandidaturës, të parashikuara nga ligji dhe aktet nënligjore të nxjerra në bazë e për zbatim të tyre.

PËR KËTO ARSYE:

Në mbështetje të në mbështetje të nenit 209 dhe nenit 211, pika 2, të ligjit nr. 115/2016 “Për organet e qeverisjes së sistemit të drejtësisë”, të ndryshuar, pikës 23, të Vendimit Nr. 536, datë 25.07.2019, të Këshillit të Ministrave “*Për krijimin e kushteve për Inspektorin e Lartë të Drejtësisë për verifikimin e plotësimin të kushteve dhe të kritereve ligjore, verifikimin e figurës e të pasurisë së kandidatëve jomagjistratë për pozicionin e inspektorit*”, Urdhrit Nr. 7, datë 04.03.020, të Inspektorit të Lartë të Drejtësisë, “*Për miratimin e Rregullores “Për procedurën dhe kriteret e vlerësimit, pikëzimit dhe renditjes së kandidatëve jomagjistratë për pozicionin e*

inspektorit pranë Zyrës së Inspektorit të Lartë të Drejtësisë”, Komiteti i Emërimit dhe Vlerësimit të Inspektorëve,

VENDOSI:

1. Përfundimin e procedurës së verifikimit, vlerësimit, pikëzimit dhe renditjes së kandidaturës së zotit Artan Ballabani, për shkak të tërheqjes nga kandidimi për vendin vakant Inspektor jo magjistratë pranë Inspektorit të Lartë të Drejtësisë.
2. Në zbatim të pikës 7 të vendimit nr. 536 datë 25.07.2019 që lidhet me “*Krijimin e kushteve për Inspektorin e Lartë të Drejtësisë për verifikimin e plotësimit të kushteve dhe të kriterëve ligjore, verifikimin e figurës dhe të pasurisë së kandidatëve jomagjistratë për pozicionin e Inspektorit*”, ky vendim i njoftohet kandidatit Artan Ballabani.
3. Kandidati ka të drejtën e ankimit në Gjykatën kompetente, brenda afatit ligjor.
4. Ky vendim publikohet në faqen zyrtare të Inspektorit të Lartë të Drejtësisë, konkretisht në faqen www.ild.al.

ANËTARE

Marsela PEPI

ANËTARE

Mirela KAPO

KRYETARI

Artur METANI

